



بِسْمِ اللَّهِ الرَّحْمَنِ الرَّحِيمِ
ISLAMSKA ZAJEDNICA U BOSNI I HERCEGOVINI
RIJASET ISLAMSKE ZAJEDNICE
VIJEĆE ZA FETVE/ FETVE-I MEDŽLIS
مجلس الفتاوى في البوسنة و الهرسك

Broj: 17/13

Datum: 21. safer 1435./ 24. decembar 2013.

PREDMET: Fetva o biomedicinski potpomognutoj oplodnji

Vijeće za fetve Rijaset Islamske zajednice u Bosni i Hercegovini je na 15. redovnoj sjednici održanoj u Sarajevu, 11. decembra 2013., povodom razmatranja i zauzimanja stava o Nacrtu zakona o liječenju neplodnosti biomedicinski potpomognutom oplodnjom koji će biti upućen na izglasavanje Parlamentu Federacije Bosne i Hercegovine, usvojilo:

FETVU O BIOMEDICINSKI POTPOMOGNUTOJ OPLODNJI

Polazeći od načela Šerijata prema kojem je osnivanje porodice i dobivanje potomstva dopušteno jedino u valjanoj bračnoj vezi, kao i općih ciljeva Šerijata koji nalažu zaštitu potomstva (*hifzu-n-nesl*) i porodičnog porijekla (*hifzu-n-neseb*),

U slučaju postojanja potrebe, dozvoljeno je (*halal*) bračnom paru radi dobivanja potomstva, podvrgnuti se postupku homologne biomedicinski potpomognute oplodnje koji podrazumijeva korištenje vlastitih spolnih ćelija bračnih drugova, bez obzira da li se radi o unutarćeljsnoj ili vantjelesnoj homolognoj oplodnji. Unutarćeljsna oplodnja vrši se unošenjem sjemene ćelije muškarca na odgovarajuće mjesto u matericu žene radi oplodnje njene jajne ćelije. Vantjelesna oplodnja vrši se tako što se sjemenom ćelijom muškarca oplođava jajna ćelija žene u epruveti (*in vitro*) a potom tako oplođena jajna ćelija unosi u matericu žene.

Zabranjeno je (*haram*) primijeniti postupak heterologne biomedicinski potpomognute oplodnje koji podrazumijeva korištenje vlastitih spolnih ćelija jednog bračnog druga i spolne ćelije trećeg lica, darivatelja ili darivateljke, bez obzira da li se radi o unutarćeljsnoj ili vantjelesnoj heterolognoj oplodnji.

Zabranjeno je (*haram*) vršiti vantjelesnu oplodnju (*in vitro*) jajne ćelije supruge sjemenom ćelijom njenog muža, a zatim unijeti oplođenu jajnu ćeliju u matericu žene koja dobrovoljno nosi i rađa dijete ovom bračnom paru (surogat majčinstvo).

Zabranjeno je (*haram*) osobama koje ne žive u zakonitoj bračnoj vezi podvrgnuti se postupku medicinske oplodnje radi dobivanja potomstva.

Ljekarima i drugim zdravstvenim radnicima muslimanima zabranjeno je (*haram*) učestvovati u postupcima medicinski potpomognute heterologne oplodnje te ih Vijeće za fetve poziva da se, u slučajevima kada se od njih traži da sudjeluju u njima, pozovu na prigovor savjesti na temelju vlastitih vjerskih uvjerenja.

Fetva-i emin:

Prof. dr. Enes Ljevaković